

皇清經解

金

清

經

解

皇清經解卷七百四十

學海堂

尚書今古文注疏

陽湖孫觀察

星

虞夏書三

禹貢第三上

疏貢者廣雅釋詁云上也稅也釋言云獻也楚語觀射父曰天

也詩甫田傳云彼太古之騶以食萬官注云經常也常入征稅

之法則一成之數也九夫為井井稅一耜地歲取十千於井田

通稅十夫其田千畝通十為成成方十里成稅百夫其田萬鍾

欲見其數從井通起故言十千上地穀畝一鍾據此則黃帝制

井田當有稅夫之法即貢也史記五帝本紀云軒轅乃習用于

戈以征不享索隱云謂征諸侯之不朝享者本或作亭案考工

記注鄭司農云奠讀為亭則亭即奠顧命所謂一二臣衛敢執

壤奠鄭注以為享禮亦貢也古有稅民之法及諸侯貢法堯時

遭洪水不能修其制至禹始更作之夏本紀云禹乃行相地宜

所有以貢及山川之便利詩韓奕云維禹甸之箋云禹甸之者

決除其災使成平田定貢賦於天子孟子滕文公篇云夏后氏

五十而貢殷人七十而助周人百畝而徹其實皆什一也注云

孫觀察尚書今古文注疏

民耕五十畝者貢上五畝古以貢當稅卽經所言賦凡貢之物不在賦外故孟子云夏貢什一也

禹敷土注史遷敷作傳馬融曰敷分也鄭康成曰敷布也布治

九州之水土敷一作溥疏

史公敷作傳者夏本紀云禹乃遂與益后稷奉帝命命諸侯百姓與人徒

以傳土傳與敷音相近蓋釋傳爲治也孟子滕文公篇云舉舜而敷治焉注引經云是言治其土也廣雅釋言云傳敷也治水

土非一人之力故奉帝命與人徒馬注見史記集解云分者言分爲九州漢書地理志注云敷分也書序云禹別九州馬義所

本鄭注見周禮大司樂疏云敷布者山海經海內經云帝乃令禹卒布土以定九州布土卽敷土詩傳云敷布也說文云專布

也敷敷也書傳以敷爲專音相近假借字又鄭注周禮大司樂云禹治水傳土言其德能大中國也商頌長發云禹敷下土方

箋云禹敷下土正四方廣大其竟界之時始有王天下之萌兆鄭意又以敷爲大者詩傳云溥大詩釋文引韓詩敷敦淮濱云

敷大也荀子隨山刊木注史遷隨作行刊作表鄭康成曰必隨成相篇作溥

州中之山而登之除木爲道以望觀所當治者則規其形而度

其功焉刊一作棗亦作棗疏

史公說隨爲行者廣雅釋詁云隨行也淮南修務訓隨山棗木高誘

注隨循也循義近行刊為表者周語云道無列樹注云古者列樹以表道刊蓋削而識之鄭注見書疏以刊為除者春秋左氏襄廿五年傳云井堙木刊注云刊除也刊說文作朶云槎識也引此文讀若刊篆又作朶又云槎衮斫也曾語云山不槎斲注云槎斫也槎識者斫木為識即表道也管子形勢解云禹身決瀆斬高橋下以為民利蓋古說以刊木為斬高木以橋下隰也

奠高山大川

注史遷說奠為定大傳說高山大川五嶽四瀆之

屬馬融曰定其差秩祀禮所視也

疏史公說奠為定者周禮司

奠讀為定杜子春云奠當為定是奠與定通也大傳說高山大川為五嶽四瀆者見史記集解今大傳說文大傳云五嶽謂岱山霍山華山恆山嵩山也江淮河濟為四瀆五嶽視三公四瀆視諸侯其餘山川視伯小者視子男見白虎通巡守篇五嶽以南嶽為霍山今文家說也見堯典疏馬氏注見史記集解書疏及王制疏引鄭注大傳云所視者謂其牲幣粢盛籩豆爵獻之數非謂尊卑足證馬義也

冀州既載

注史遷說為禹行自冀州始冀州既載

馬融曰載載于書也鄭康成曰兩河間曰冀州不書其界者時

帝都之使若廣大然載之言事事謂作徒役也禹知所當治水

又知用徒之數則書於策以告帝徵役而治之疏說文云冀北方州也淮南

子地形訓云正中冀州曰中土注云冀大也四方之主故曰中土也呂氏春秋有始覽云兩河之間為冀州晉也注云東至清

河西至西河書疏引李巡云兩河間其氣清厥性相近故曰冀冀近也釋名云冀州取地以為名也其地有險有易帝王所都

亂則冀治弱則冀疆荒則冀豐也按鄭注舜肇十有二州云舜於舊九州外分青州為營州冀州為并州幽州至夏仍合為九

則禹貢冀州兼幽并二州之地故說文以為北方州字从北也史公說為自冀州始者詩傳云載始也則史記下云冀州既載

說為冀州既始耳馬注見釋文云載於書者春秋左氏僖六年傳云載在盟府注云載載書也鄭注見史記集解又見公羊傳

莊十年疏及書疏云兩河間曰冀州者用釋地文云不書其界者据下兖州有云濟河惟兖州海岱惟青州已下諸州皆書其

界則此亦當以山河為界而不書之使若廣大也云時帝都之者春秋左氏哀六年傳引夏書曰惟彼陶唐有此冀方注云唐

虞及夏同都冀州疏云堯治平陽在冀州也地理志云河東本唐堯所居詩風唐魏之國也又平陽應邵曰堯都也在平河之

陽郡國志太原郡晉陽本唐國注云毛詩譜曰堯始都於此後遷河東平陽平陽故城在今山西臨汾縣西南云使若廣大者

高誘注淮南云冀大也義與鄭同云載之言事者周書謚法云載事也漢書載其清靜即事其清靜云作徒役者因夏本紀有

奉帝命命諸侯百姓興徒以傳土故云然也

壺口治梁及岐注馬融曰壺口山名鄭

康成曰地理志壺口在河東北屈梁山在左馮翊夏陽岐山在

右扶風美陽西北於此言治梁及岐者蓋治水從下起以襄水

害易也

疏馬注見釋文鄭注見史記集解又見詩周南召南譜疏及書疏引地理志者漢志云河東郡北屈禹貢壺

口山在東南鄭于北屈下脫東南或省文水經禹貢山水澤地

所在同案北屈在今山西吉州西山在州西南七十里又漢志

馮翊夏陽禹貢梁山在西北鄭脫西北水經禹貢山水澤地所

在云在夏陽縣西北河上案夏陽縣在今陝西韓城縣西南山

在縣西北九十里漢志右扶風美陽禹貢岐山在西北中水鄉

周太王所邑案美陽在今陝西扶風縣北山在陝西岐山縣東

北十里水經汾水注云汾水南與平水合水出平陽西壺口山

尚書所謂壺口治梁及岐也北山在今山西汾陽縣西南與地

理志說異云治水從下起者書疏云壺口西至梁山梁山西至

岐山從東向西言之也按梁岐是雍州山而見于冀州故云從

下既修太原至于岳陽注鄭康成曰岳陽縣太岳之南于地理

志太原今以爲郡名太岳在河東故縣彘東名霍太山

疏修者廣雅

皇清經解

卷七十四

孫觀察尙書今古文注疏

三

釋詁云治也陽者說文云山南曰陽鄭注見詩唐風譜疏云太原今以爲郡名者地理志及郡國志云太原郡在晉陽屬并州杜氏春秋釋例云晉大鹵太原大夏參虛晉陽一地六名案今山西太原府太原縣也云太岳在河東故縣彘者漢志河東郡彘霍太山在東冀州山案彘縣在今山西霍州西山在州東南三十里

覃懷底績至于衡漳注史

遷說底績爲致功馬融曰衡漳水名鄭康成曰懷縣屬河內地

理志云漳水出上黨沾縣大要谷東北至安平阜城入河行千

六百八十里衡漳者漳水橫流入河疏

覃懷者地理志河內郡有懷縣經云覃懷者史

記索隱云蓋覃懷二字或當時共爲一地之名按懷縣故城在今河南武陟縣西卽覃懷也史公說底爲致者釋言文績爲功者釋詁文也馬注見釋文鄭注見史記集解又見周禮職方氏疏及書疏引地理志云云者漢志上黨長子鹿谷山濁漳水所出東至鄴入清漳沾縣大要谷清漳水所出東北至阜城八大河過郡五行千六百八十里與鄭所引畧同而鄭不引濁漳以其入清漳畧之也案沾縣今山西樂平縣阜城字或譌爲邑城今屬直隸河間府云衡漳漳水橫流入河者經典衡多與橫通水經濁漳水又東北過斥章縣南注云魏太祖鑿渠引漳水東入清洹以通河漕名曰利漕渠漳津故瀆水斷舊溪東北出湄

流滯注而已尙書所謂覃懷底績至於衡漳者也又北逕平恩故城西按斤章故城在今直隸曲周縣東平恩故城在今山東邱縣西史記正義引括地志云衡漳水在瀛州東北百二十里平舒縣界也平舒漢之東平舒今直隸大城縣清漳水過郡五者上黨魏郡廣厥土惟白壤注史遷厥皆作其馬融曰壤天性平鉅鹿信都也

和美也

疏史公厥皆爲其下不更出馬注見釋文以壤爲天性和美者說文云壤柔也鄭注周禮云壤亦土也變言

耳以萬物自生焉則言土土猶吐也以人所耕而樹藝焉厥賦則言壤壤和緩之貌然則鄭于此雖缺注義亦與馬同也

惟上上錯注馬融曰地有上下相錯通率第一鄭康成曰此州

八穀不貢賦之差一井上上出九夫稅上中出八夫稅上下出

七夫稅中上出六夫稅中中出五夫稅中下出四夫稅下上出

三夫稅下中出二夫稅下下出一夫稅通率九州一井稅五夫

疏賦者廣雅釋詁云稅也錯者詩傳云雜也馬注見釋文云通率第一者九州之中爲第一也僞傳云雜出第二非馬義鄭

注見書疏及王制疏云此州八穀不貢者王制云天子百里之內以其官千里之內以爲御注云謂此州之田稅所給也官謂

其文書財用也御謂衣食周禮閭師疏引鄭志云田稅如今租
矣王制又云千里之內曰甸注云服治田出穀稅千里之外曰
采注云九州之內地取其美物以當穀稅據此知冀州畿內惟
入穀稅也詩甫田疏引鄭注云凡所貢篚之物皆以稅物市之
隨時物價以當邦賦周禮太宰以九貢致邦國之用疏云諸侯
國內得民稅大國貢半次國三之一小國四之一所貢者市取
當國所出美物則禹貢所云厥篚厥貢之類是也據此知餘州
雖有厥貢之文不入穀準其賦之額買土物以貢此州不言厥
貢以帝都所需令有司市買不煩諸侯貢篚故八穀不貢也云
賦之差一井上上出九夫稅者江氏聲云孟子云夏后氏五十
而貢殷人七十而助周人百畝而徹其實皆什一也又云井九
百畝其中爲公田又云惟助爲有公田是則夏制什一稅夫田
不畫井鄭注周禮匠人備引孟子文而云周制畿內用夏之貢
法稅夫無公田是鄭氏亦謂夏時無井田也此以井計者以九
夫爲井差爲九等甚便故假以言之爾王制疏云以禹貢九州
有上中下三等故以井田計之是也云一井上上出九夫稅者
一井之中九夫各所以收之什一爲稅上中出八夫稅者謂通
九夫共出八夫所收之什一爲稅以下至出一夫稅皆謂九夫
通出其什一也詩甫田疏節引此注而以爲鄭欲品其多少無
所比況遂以九井擬之以示稅之多少非其實稅之也是以其
賦之輕重懸殊而疑其非實稅案左氏襄二十五年傳云度山
林鳩藪澤辨京陵表淳鹵數疆潯規偃豬町原防牧隰臯井衍

沃疏引賈逵注以爲賦稅差品云山林之地九夫爲度九度而當一井也藪澤之地九夫爲鳩八鳩而當一井也京陵之地九夫爲辨七辨而當一井也淳鹵之地九夫爲表六表而當一井也疆潦之地九夫爲數五數而當一井也偃豬之地九夫爲規四規而當一井也原防之地九夫爲町三町而當一井也隰臯之地九夫爲牧二牧而當一井也衍沃之地畝百爲夫九夫爲井夫曰九度而當一井非卽一井出一夫稅乎其九等之差正與此九等之稅同何見而疑此非實稅耶雖此是田賦與左傳通計山林等九者不同然周禮授民田有不易一易再易則田之肥磽固有相懸數倍者且如左傳所云九等之地九州皆有苟是州沃衍之地多則統一州而計通率一井可得入九夫稅設是州山林藪澤之地多則統一州而計通率一井可得入九夫稅其田有不易一易再易之殊則一井稅五夫者有九夫稅有一夫稅合之共十夫均分之則各五夫其八夫通二夫七夫通三夫六夫通四夫均之則皆然率一井稅五夫也周禮授民田不易者百數一易者倍之再易者三之通率三家而受六夫其野則六家而受十三夫其賦則惟計見耕之田而稅之通而計之則一夫之地惟稅五十畝故管子幼官篇云田租百取五卽此制也地力肥磽古今如一推之夏制田賦之法當亦一夫惟稅五十畝故孟子曰夏后氏五十而貢其實什一也熊安生禮疏云夏政實簡一夫之厥田惟中中注馬融曰土地有高下鄭康地惟稅五十是也

成曰地當陰陽之中能吐生萬物者曰土據人功力競得而

田之則爲之田田著高下之等者當爲水害備也疏田者說文云陳也樹

穀曰田象四口十阡陌之制也爾雅釋文引李注云田陳也謂陳列種穀之處馬注見釋文云土地有高下者據地勢言之不論肥瘠也鄭注見書疏云地著高下之等者田之九等以地形高下分之不與賦同漢書敘傳云坤作隆勢高下九則注引劉德曰九則九州土田上中下九等也是鄭本舊說且田之九等上者非肥下者非磽溝洫志賈讓奏言若有渠漑則鹽鹵下濕填淤加肥故種禾麥更爲杭稻高田五倍下田十倍詩信南山疏引孝經注云高田宜黍稷下田宜稻麥是田之高下各有宜種之物故鄭云當爲水害備也江氏聲云崑崙高一千九百里在崑崙東南故西北高東南下雍州在西北田上上揚州在東南田下下推之餘州知以高爲上卑爲下也王肅等云土地各有肥瘠不應冀州中中之田反出上上之賦雍州田上上反出中下之賦其說非是云地當陰陽之中者五行木火爲陽陽于春夏金水爲陰王于秋冬土位中央王于四者之間是當陰陽之中也云吐生萬物者白虎通五行篇云土主吐含萬物土之爲言吐也云據人功力競得而田之則謂之田者釋名云田填也五稼填滿其中也已耕者恒衛既從大陸既作注史遷恒曰田周書多方云畋爾田是也

作常說既作曰既為鄭康成曰地里志恆水出恆山衛水在靈

壽大陸澤在鉅鹿北爾雅釋地八藪晉有大陸疏

史公恆作常地理志亦稱

恆山為常山郡鄭注見史記集解及通典又見周禮大司徒疏引地里志者漢志常山郡上曲陽恆山北谷在西北并州山禹貢恆水所出東入滏靈壽縣禹貢衛水出東北東入虡池水經云滏水東過中山上曲陽縣北恆水從西來南注之注云自下滏水兼納恆川之通稱焉即禹貢所謂恆衛既從也案上曲陽今直隸曲陽縣恆山在西北恆水合滏水在縣東北靈壽今屬直隸真定府衛水在縣東北又南流逕縣東入虡池鄭以大陸為鉅鹿者地里志鉅鹿禹貢大陸澤在北案古澤在今直隸鉅鹿縣北今則在新河寧晉二縣之交此班氏及鄭氏義也呂氏春秋有始覽云晉之大陸注云魏獻子所居又云趙之鉅鹿注云廣阿澤也是則秦時說大陸鉅鹿為二處春秋左氏定元年傳魏獻子田于大陸還卒于甯注云疑此田在汲郡吳澤荒蕪之地甯今修武縣近吳澤書疏引杜氏春秋說云嫌鉅鹿絕遠以為汲郡修武縣吳澤也淮南地形訓亦分大陸鉅鹿為二藪然則爾雅既云晉有大陸注以為趙之鉅鹿廣阿澤非也禹貢大陸亦當以晉之吳澤為是在今河南修武縣水經淇水注引晉書地道記曰朝歌城本沫邑也紂都在禹貢冀州大陸之野即此矣水經濁漳水注云自甯迄於鉅鹿出於東北皆為大陸則

合大陸鉅鹿爲一酈氏爲調停之說疑非也古說當從修武之大陸島夷皮服注史遷島作鳥馬

融曰鳥夷國鄭氏曰鳥夷東北之民賦食鳥獸者疏史公島作鳥者島當

爲鳥集韻三十二皓云島古作鳥馬注見釋文鄭注見夾右碣
史記集解及書疏皆作鳥疏引東北作東方賦作搏

石入于河注史遷河作海鄭康成曰戰國策碣石在九門縣今

屬常山郡蓋別有碣石與此名同今驗九門無此山也禹由碣

石山西北行盡冀州之境還從山東南行入河治水既畢更復

行之觀地肥瘠定貢賦高下疏漢書武帝紀詔曰東巡海上至碣石注文穎曰在遼西案縣案

縣今罷屬臨渝此石著海旁水經禹貢山水澤地所在云碣石
山在遼西臨榆縣南水中注云大禹鑿其石夾右而納河秦始
皇漢武帝皆嘗登之海水西侵歲月逾甚而苞其山故云海
中矣水經河水注又云河之入海舊在碣石今川流所導非禹
也周定王五年河徙故瀆故班固曰商竭周移也又云漢武帝
元光二年河又徙東郡更注勃海是以漢司空王橫言曰往者
天嘗連雨東北風海水溢西南出侵數百里故張揖云碣石在
海中蓋淪於海水也案臨渝今奉天府西境地史公河作海者

集解徐廣曰海一作河酈道元旣云夾右而納河則八河亦是也鄭注見書疏云戰國策碣石在九門縣云云者地里志常山九門無碣石山郡國志常山國九門劉昭注有碣石山引戰國策云在縣界今戰國策無此文案九門今直隸藁城縣無山可指故鄭云今驗九門無此山也地里志漁陽驪成大碣石山在縣西南案驪成今直隸撫寧縣屬永平府蓋近臨渝然則九門旣無山可証鄭云別有碣石或以濟河惟兗州注史遷兗作沚禹貢碣石在臨渝今注脫文耳

鄭康成曰言沚州之界在此兩水之間濟一作沚兗一作沿疏兗卽沚字橫水在上隸之變也經文下作沚濟本字作沚說文沚沚也東入于海經作濟假音字此濟出常山房子贊皇山名石濟今在直隸爾雅釋地云濟河間曰沚州注云自河東至濟公羊疏引李巡云濟河間其氣專質厥性信謹故曰兗兗信也釋名云兗州取兗水以爲名也晉書地理志引春秋元命包云兗端也信也呂氏春秋有始覽云河濟之間爲兗州衛也注云河出其北濟經其南沚作沿者說文云沚九州之渥地也故以沚名焉古文作沿又作容鄭注見史記集解云在此兩水之間者亦如高誘注河出其北濟經其南也

九河旣道注馬融曰九河名徒駭太史馬

頰覆釜胡蘇簡潔鈎盤鬲津鄭康成曰河水自上至北流盛而

地平無岸故能分爲九以衰其勢壅塞故通利之也九河之名

徒駭太史馬頰覆釜胡蘇簡潔鈎盤鬲津周時齊桓公塞之同

爲一今河間弓高以東至平原鬲津往往有其遺處焉疏九河

見爾雅云從釋地已下至九河皆禹所名也曰徒駭書疏引李

巡云徒駭者禹疏九河以徒衆起故曰徒駭孫炎云徒駭禹疏

九河用功雖廣衆懼不成故曰徒駭郭注云今在成平縣漢地

理志勃海成平庠池河民曰徒駭河太平寰宇記云滄州清池

縣本漢浮陽縣徒駭河九河之一與清池相接案成平在今直

隸獻縣東南也曰太史書疏引李巡云太史禹大使徒衆通其

水道故曰太史詩疏引孫炎云太史者徒衆故依名云釋文引

或云太史者史官記事之處元子欽齊乘云太史在東光之北

成平之南又云當在清滄二州之間明一統志云太史河在南

皮縣北曰馬頰爾雅釋文引李巡孫炎云河勢上高下狹狀如

馬頰也通典云馬頰在平原郡界元和郡縣志云德州安德縣

馬頰河在縣南五十里又云平昌縣馬頰河在縣南十里安德

縣今山東德州也曰覆釜詩疏引李巡云覆釜者水多清其渚

往往而處狀如覆釜釋文引孫炎云水中多渚往往而有可居

之地狀如覆釜之形通典云覆釜在平原郡界齊乘云在東光

之北明一統志云舊志所載有覆釜枯河自慶雲經海豐縣南

八海曰胡蘇詩疏引李巡云胡蘇者其水下流故曰胡蘇胡下也蘇流也孫炎云胡蘇者水流多散胡蘇然地理志勃海東光有胡蘇亭水經淇水注云清河東至東光縣西南逕胡蘇亭通典滄州東光縣漢舊縣古胡蘇河在此齊乘云滄州之南有大連澱西踰東光東至海是也今在直隸滄州曰簡詩疏引李巡云簡大也河水深而大也書疏引孫炎云簡者水通易也史記正義云簡在貝州歷亭縣界歷亭今山東恩縣屬東昌府也曰潔書疏引李巡云絜言河水多山石治之苦絜絜苦也釋文引孫炎云水多約潔輿地廣地云簡潔在臨津金史地理志滄州南皮有潔河南皮今直隸縣曰鈞盤書疏引李巡云鈞盤言河水曲如鈞屈折如盤也釋文云李本作股云水曲如鈞折如人股故曰鈞股詩疏引孫炎云水曲如鈞盤桓不前也釋文引郭氏音義云鬲般今皆爲縣屬平原郡後漢書袁紹傳云公孫瓚還屯槃河注云故河道在今德州昌平縣界入滄州樂陵縣今名枯槃河通典云鈞盤在景城郡水經河水注云大河故瀆東出亦通謂之篤馬河故渠川派東八般縣爲般河亦九河之一道也元和郡縣志云棣州陽信縣鈞盤河經縣北四十里太平寰宇記滄州樂陵縣鈞盤河在縣東南五十里案樂陵今山東縣屬武定府也曰鬲津詩疏引李巡云鬲津者河水狹小可隔曰津故曰鬲津孫炎云鬲津者水多阨狹可隔以爲津而橫渡也地理志平原鬲縣平當以爲鬲津元和郡縣志德州安德縣本漢舊縣鬲津枯河在縣南七十里案鬲縣故城在今山東德